

11. Paaciknallšee'm saagg

Hepsulihei!

Tä'lvvtiörv'vuõđ tääi'ben Ukselmvuei'vest.

Kuâldai åå'n samai nu't šiõgg poodd.

Määdd da mie'cc veâlggje muõttjest.

Tä'lvvtoorkin njuä'mmel da repp vuei'tte jiâlced åå'n aivv räühast.

Muõttja eettam kiõj kâ'l õu'dde nâkam miârkid,

koon å'rnn odm. Näskk njuä'mmel lij njõikkam,

leša tøn ij vuei'n puârast viõ'lgges muõttjest.

Reppjuâlga kiõj e'pet mâ'nne täujja sue'jjest suâkka.

Tõt meinn tøn, što Fedora-repp le'be mii-ne jee'res repp lij poorrâm sue'jj ommlid.

Vuä'rrev še liâ ju'n valmmâž tälvva.

Taurõššân Åájjaž-vuä'rrev vaajti ääi'jab čâhčča âssjab da pakksab tä'lvvtoork ool.

Åájjaž-vuä'rrev tä'lvvtorkk ij kâ'l leäkku viõlggâd.

Avi leäk-a kuä'ss-ne vuäinnam viõ'lgges vuä'rrev!?

Jiõm-ba åâsk!

Åájjaž-vuä'rrev torkk lij tälvva räa'nes da keässa ručkkâd.

Åájjaž-vuä'rrev tä'lvvto'rkke ko'lle še teä'pp-pee'llj.

Keässa vuä'rrev pee'llj liâ joorbâs mâ'te kampprin,

leša tälvva pee'lljin liâ suõkkâd, pââiârra koikkšeei tie'pp.

Pe'lljtie'pp suõjje tøn kõlmmsest.

Åájjaž-vuä'rrev valmštõõdi tä'lvvpo'dde še tuejjeel tä'lvvruõkkâmsõõ'jid muõrrââu'sid.

Čâhčča tõt noori kuõbbrid muõri âhss-suõ'rid.

Tälvva tõt mâŋŋa oožžad tõiđ poorrâm diõtt.

Åájjaž-vuä'rrev ij muu'st pâi puârast,

di ij kaaun jiijjâs ruõkkâmsõõ'jid.

Tâ'l tõt leekkas käunn keän-ne nuu'bb vuä'rrev tuejjeem ruõkkâmsââ'j.

Pâarr ve't Åájjaž-vuä'rrev še paaccki se'st siõmmnid.

Åájjaž-vuä'rreva njâ'dde jeä'rben kuõzz paaccki siõmmân.

Åájjaž-vuä'rrev põör lij õll'jõõzzâst kuõzzâst.

Õõut jeä'kkää tuejjeem jiiijan čiõppsen Åájjaž-vuä'rrev põörkuõzz maddja.

Jeälõ'ttem jeä'kkää čiõppsa vue'đdem äiggmõšân

da nu'bb äiggmõš leäi kuvddled Åájjaž-vuä'rrev jeä'kkesmainnâz.

Åájjaž-vuä'rrev ââlga le'jje ju'n nu't suur,

što tõk jälste jiijjâs pie'zzin, leša samai vuä'rrevjie'nn põör paaldâst.

Åájjaž-vuä'rrev mainsti jeä'kkesmainnâz,

koon mon še le'jjem jeälõõttâm kuvddled.

Tõn jeä'kkää maainâs ij leämmaž ni voo'ps hervvai ij-ka ni strahhi.
Tõn jeä'kkää maainâs leäi älddsin mätt'tee'es.
Ääjjaž-vuä'rrev mätt'ti äälgeez äärrad šie'stti,
paacckid älgg kiõtkâ'sted vaaree'l da siõmmnid älgg poorrâd šie'stee'l.
Paacckid ij vuäžž tu'rğgeed!

Teäđak-a mä'htt vuärrvaid täujja ķeävv?
Teäđak-a mä'htt vuä'rrev pã'rre paacckiõmmnid?
Mon-ba säärnam!
Vuä'rrevâälgaž väldd kōōžžineez ķidd njuäcklvōs kuōzzpaaccki.
Tõt äänn ķidd paaccki sie'ğges ķee'jjest.
Paacckest tõt väldd meädda õõut čuõmmâz vuârast alttee'l paaccki kãâ'zzab ķee'jjest.
Kaauneen siõmmân tõt peejj tõn teäđast vuõ'i'ğgest njälmmes.
"Šiõgg, njää'ljust!
Täid älgg vuäžžad lâä'zz!", tu'mmai vuä'rrev.

Mãñña vuä'rrevâälgaž väldd e'pet õõut čuõmmâz,
kāunn njälggaz siõmmân
da äälašm ää'sšest nu't,
što peejj kuhttu ķiõđ njälmmes!
Hups...
mä'htt mãñña ķeävv...???
paaccki rãvv maddu!!!!

Naa,
jõs ton jāāđak mie'ccest
da kaaunak lãkka porrum paacckid,
na vuäitak lee'd samai snäätnai,
što vuä'rrevâälga liä leämmaž tuäj ä'lñn!

Jos kaaunak paaccki,
kāã'tt repčč da rapčč siõmmna juõ'kk ärra äävai,
da tõt lij vuästi Temm-čie'snest kuãđđjam.
Temm-čee'snn čuälkkat ķiõrggãñji,
ij-ga tõ'st tâ'l vuästi leäkku äi'ğğ poorrâd moččãñji.
Nu't-ba paacckičõmmâz vuei'tte koikkšed puk siõmmna jee'resãrra.
Temm-čee'snn ij äänn paaccki ķiõđin,
gu tõ'st liä pãi kue'htt jue'lj, da tõin tõt kã'l čuežž.
Tõn diõtt čee'snn veekk ve't paaccki jiijjãs pãäjjses le'be tuejjeem muõrrkorčča.
Kuu'rčest paaccki pããšš puârast da Temm-čee'snn vuäžž čuälkted njuu'nines da noorrâd siõmmnid njälmmes.

Temm-čie'snn pãä'jest rōõvvã'lle maddu pãi porrum paaccki da paaccki roosk.

Jõs kaaunak juõ'kk'arra reepčai da raapčai paaccik,
teâdak, što Temm-čea'snn le'be kii-ne nu'bb čea'snn lij leämmaž tuâj â'lnn.

Jõs kaaunak samai moččânji jõvvum paaccik,
koozz lij pääccam pâi jorbv vvei'vv,
di jõõ'vvi lij leämmaž tuõðimes tuõði u'cc sää'msä'ppli.
Sää'msä'ppli jâvva moččânji da pottsânji porrmõõžžeez.

Nu'bb jââvv paaccikid toorge'ld,
nu'bb jââvv huâppin
da kuâlmad kiõjj lij u'cc da pu'nnes.
Tõt lij tõt määngke'rjjes luâð nää'll.
Hää'sk, što puk jiâ leäkku seämmanallšee'm,
pâi puk liâ jee'resnallšee'm da jiijjâsnallšee'm.

Nâkam jurddjid nâakkeem jiiijan čiõppsa Äâjjaž-vuä'rrev põõrkuõzz maddja.

Eeliskaz

Mâ'ņņmainnâz

1. Peittpää'lestuâjj: Jää'd ke'ddmää'rkest le'be mie'cest da ooõõ paaccikid. Tu'tkked, lij-a tõid kiõttkâsttam vuä'rrev, čea'snn, sää'msä'ppli avi možt kii-ne aivv jee'res?



- a. vuä'rrev
- b. sää'msä'ppli
- c. čea'snn

Snimldõk Metsä vastaa (Meä'cc va'sttad) -seiddõõžžast.

2. Peittpää'lestuâjj: Jää'd ke'ddmää'rkest le'be mie'cest da tu'tkked, kaaunak-a jee'res jie'll'ji poorrâmkiõjid le'be jee'res miârkid hâ't mâka põõškid da kâkkrid.

3. Siõrrâd õõutsââ'jest Äâjjaž-vuä'rrev tä'lvruõkkâmsââ'jjsiõr.

- õhtt siõrrjin lij sâävõk, jârraz mâ'nne kruu'gõge
 - siõrri čuežža kruuggâst seä'lgõ åalgârra, muâð sii'skârra
 - juõ'kk'kaz peejj jiijjâs vaacc sie'ljes tuâkka maddu mâ'te tä'lvruõkkâmsââ'jjen
 - tõn mâņņa vää'ldet kiõðin kidd da piijât čââ'lm kidd. Tõn kõõskâst sâävõk pââzz da serdd juõ'kk'ka vaacc jee'res päikka.
 - gu sâävõk õudd låâ'v, vuäžž kuâbbsted sie'lj tuâkka. To'ben kâunnai mii-ne jee'res gu jiijjâs vacc. Nääi't keävv täujja še hue'neld mu'stti Äâjjaž-vuä'rva!
- Äâjjaž-vuä'rrev väjldâtt, koozz tuejjii jiijjâs tä'lvruõkkâmsââ'j, leša kâunn pâi keän-ne nuu'bb vuä'rrev tuejjeem tä'lvruõkkâmsââ'j.

Õhttâd certldõõggin jie'lli tõn paaccka, koon jie'lli ärvvtõõlak tõn kïõttkâ'sttem.

Nõmm:



Snimldõk Metsä vastaa (Meä'cc va'sttad) -seiddõõzzâst.



sää'msä'ppli



čeä'snn



vuä'rrev

Õhttâd certldõõggin jie'lli tõn paaccka, koon jie'lli ärvvtõõlak tõn kïõttkâ'sttem.

Nõmm:



Snimldõk Metsä vastaa (Meä'cc va'sttad) -seiddõõzzâst.



sää'msä'ppli



čeä'snn



vuä'rrev